

FotograVia a Rueras

La **FotograVia** ei ina senda da fotografias per liung dalla Via dil Vitg a Rueras. Ella muossa fotografias dil vitg da Rueras ni talas che stattan en stretg connex cun cultura e historia dil vitg. Las fotos vegnan accumpignadas d'in text informativ.

Responsabels per la **FotograVia** ein il Forum cultural Tujetsch ed il Museum La Truaisch Sedrun. Per las fotografias segnan il Dicziunari Romontsch Grischun, igl Archiv cultural Tujetsch, Foto Gross e Gion Giusep Deplaz, Baviera/Selva.

MUSEUM LA TRUAISCH

Il Museum La Truaisch ei in museum dalla val e muossa cultura e historia da quella sco era ina partiziun da mineralias dalla val. Dapi 1986 sesanfla quel a Sedrun en ina casa crap eregida 1899.

Mintga onn organiseschan ils responsabels ina exposiziun speciala, uonn cun fotografias dad Ervin Monn che muossa la diversidad da fauna e flora ella val Tujetsch.

Actualmein sefatschantan ils responsabels dil museum cun l'engrondaziun dalla partiziun da mineralias.



FORUM CULTURAL TUJETSCH

Il Forum cultural Tujetsch ei vegnius fundaus igl onn 1997 cun la finamira da tgirar la cultura e sensibilar la populaziun per fatgs culturals. Quei ei succedi-
iu entochen oz entras differentas occurrenz. Aschia: vernissaschas, la notg da film, il di dil museum e bia auter. Grond engaschi ha il forum mussau per la sanaziun e reconstrucziun dil casti da Putnengia. Actualmein sefatschenta l'unium cun l'erecziun d'in archiv cultural.

